

俊等率領水梢坐駕海船壹隻前來迎接  
皇上勅書併

2-02-05

欽賞物件全貢使毛得範等一齊回國誠恐未

員駑鈍弗堪任事統祈

貴司始終照拂所有應行事宜仍舊例具

題乞于來歲夏至蚤汛賜歸則不特航洋蟻

員得免波濤之虞而將來當

貢之期亦無愆矣爲此理合移咨

貴司請煩查照施行須至咨者

右 咨

福建等處承宣布政使司

康熙肆拾年拾月十五日

琉球國中山王尙 爲接回進

貢官員事切照康熙參拾玖年冬乃當貢期

特遣耳目官毛得範正議大夫鄭職良等

帶領梢役駕船貳隻齎捧

表文方物已經移咨

貴司起送赴

京恭進參拾玖年

貢典外至于摘回都通事阮維德使者毛應

鳳等仍坐原船于本年陸月間得見還國

遵依舊例但入

覲官伴及存留官伴向例該國發船接回不

至久淹閩地以糜

天朝廩餼爲此特遣都通事梁成楫使者温允

俊等率領水梢人伴共捌拾貳員名坐駕

海船壹隻前來迎接

皇上勅書併

欽賞物件全貢使毛得範等壹齊回國茲所據

差去員役別無文憑誠恐所在官軍阻留

不便爲此理合給發執照以便通行今給

王府義字第柒拾貳號半印勘合執照付

存留通事陳其湘等收執前去如遇經過

關津及沿海巡哨官軍驗實即便放行毋

得留難遲悞不便須至執照者

計開

都通事壹員梁成楫 人伴肆名

使者貳員温允俊文克明 人伴捌名

存留通事壹員陳其湘 人伴肆名

管船火長直庫貳名 楊宗詩 丙起才

水梢共陸拾名

右執照付存留通事陳其湘等准此

康熙肆拾年拾月十五日給

2-02-06

琉球國中山王臣尙貞誠惶誠恐稽首頓

首

上言伏以

朝廷大一統車書通出日之鄉

天子慶萬年禮樂煥同風之治

衣冠肅於萬國江海晏清

閩<sup>①</sup>闔開於九天麟鳳來舞臣工雀躍萬姓騰

歡恭惟

皇帝陛下

功侔天地

德冠帝王

乘<sup>②</sup>權御極川嶽既已效靈

出震膺圖神保無不來格

聲施赫濯威及于要荒甸衛

慈愷廣宣澤被于艸木昆蟲猗歟盛世休風

□爲昇平樂事臣貞僻處海陬夙沐雨露之